

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 50. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 1. sjednici, održanoj dana 03.11.2023. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2023. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) za budžetskog korisnika iz nadležnosti Ministarstva za obrazovanje, nauku, kulturu i sport – JU Univerzitet u Zenici.

(2) Uvećanje sredstava u Budžetu Zeničko-dobojskog kantona za 2023. godinu, vrši se na sljedeći način:

- a) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613100 – Putni troškovi, Plan izdaci iz donacija 2023. godina, uvećavaju se za 10.000,00 KM;
- b) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613700 – Izdaci za tekuće održavanje, Plan izdaci iz donacija 2023. godina, uvećavaju se za 1.245,20 KM;
- c) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 (MDC-902) – Ostale ugovorene usluge, Plan izdaci iz donacija 2023. godina, uvećavaju se za 10.000,00 KM;
- d) u Budžetu Zeničko-dobojskog kantona za 2023. godinu u dijelu A. PRIHODI u koloni Plan 2023. godina, sredstva na poziciji 733122 – Primljene donacije od stranih pravnih lica, uvećavaju se za 21.245,20 KM.

Član 2.

(Namjena korištenja sredstava i izvještavanje)

(1) Uplaćena sredstva od strane donatora EURAMET e.V., za implementaciju projekta na OJ Institut „Kemal Kapetanović“ JU Univerziteta u Zenici, a utrošit će se u skladu sa finansijskim planom i budžetom za Projekat „Traceability for indentation measurements in Brinell-Vickers-Knoop hardness“.

(2) JU Univerzitet u Zenici je dužan sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3.

(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport, JU Univerzitet u Zenici i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-16434/23

Datum, 03.11.2023. godine

Z e n i c a

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Univerzitet u Zenici, putem Ministarstva,

1x „Službene novine Zeničko-dobojskog kantona“,

1x a/a.